

C3 „Preventivni mere kontra o kriminaliteto“

Le nacionalsocialistur ankalade jek antrego ūndo zakonēngo taj regulacijengo, kaj dikħelas sja le Ārrom ta' Sinti sar „biande kriminalcur“. Lengo argumento sas kasavo: „Jek Ārrom, vi te na kērdja ū akana ċi sosko kriminalno delikto, varekana pe varesavi vrjama kam kērela jek kriminalno delikto, kē kodja arakhadol taj aśel ande lesko biologjiko naslestvo taj sī genetično fiksirime.“ Ando ramo kata „preventivni mere kontra o kriminaliteto“ phandade le Hitleroskē manuša na numa kodole manušen, save čaċimasa kērde kak kriminalno delikto, numa von phandade vi sja kodolen, save pala lengo għindo, šaj te kērenas varekana kak kriminalno delikto.



1910

1950

1940

So sas la evropakē Ārromengħi taj Sintongħi pe vrjama kata o holokausto śinado

💡 Żanglen tumen

...kē le Hitleroskē manuš għindinas, kaj Ārrom taj Sinti nasledin pesko vašobeċi „asocialno“ xaraktero katar peskē familije?

...kē ando anav kata „preventivni mere kontra o kriminaliteto“ line pe kodo modo but šavořengħi fotografije?

✍️ Tumari buċi

So għindin tumen, sostar registrisarde le Karl Stojkas anda Beċi? Kastar len pe normalno kasave fotografije? Sikkaven, ċe differentni efektu arakhxen pe kadala fotografije ande komperacija la fotografijas kaj sī pe patrin A.7

📷 Paj fotografija

Jek registracijaki karta pa o Karl Stojka, savi ando bērš 1940 ankaladja jek asistento kata „rasako investigatoro“ o Robert Ritter. E karta sī ramome po anav Karl Rigo. Deutsches Bundesarchiv Berlin Licherfeld, Berlin/Deutschland.



<https://www.romasintigenocide.eu/kelderash/c>

www.romasintigenocide.eu